

Visoki predstavnik objavio odluku u vezi sa smjenom dvojice zvaničnika

Kao dio programa, koji je počeo u martu 2005. godine, visoki predstavnik Christian Schwarz-Schilling je donio dvije Odluke koje se tiču zabrane učešća dvjema osobama u javnom životu Bosne i Hercegovine.

Zaključujući da su prestali da postoje razlozi za smjenu Mijata Tuke od 28. marta 2003. godine, visoki predstavnik je Mijatu Tuki izričito dozvolio vršenje službene, izborne ili imenovane javne funkcije, kandidiranje na izborima, odnosno obavljanje funkcija u političkim strankama.

Zaključujući da razlozi za smjenu Munira Alibabića od 21. oktobra 2002. godine u velikoj mjeri više ne postoje, visoki predstavnik izričito dozvoljava gospodinu Alibabiću vršenje službene, izborne ili imenovane javne funkcije, kandidiranje na izborima, odnosno obavljanje funkcija u političkim strankama, iako je gospodinu Alibabiću i dalje zabranjeno da obavlja funkcije u sigurnosnim agencijama i ministarstvima koja se navode u Odluci.

Ove dvije Odluke su donesene u svjetlu principa jednakopravnosti, odgovarajućeg upravljanja i razboritosti u vršenju međunarodnog mandata visokog predstavnika, pri čemu se uzima u obzir balans između zaštite nacionalne stabilnosti i prava pojedinaca. Time se ne postavlja pitanje valjanosti prvobitnih smjena, niti se njima daje pravo predmetnim pojedincima da se automatski vrate na funkcije sa kojih su smijenjeni.

Obje Odluke stupaju na snagu odmah.